

«Бекітемін»
Қазақстан Республикасының
Оқу-ағарту бірінші вице-министрі
Жұмаділдаева Н.В.
«27» _____ 2025ж.



«ҚАЗАҚСТАН РЕСПУБЛИКАСЫ КОЛЛЕДЖДЕРІНІҢ ҮЗДІК 100 СТУДЕНТІ» РЕСПУБЛИКАЛЫҚ КОНКУРСЫНЫҢ ЕРЕЖЕСІ

1. ЖАЛПЫ ЕРЕЖЕЛЕР

1.1. Осы Ереже «Қазақстан Республикасы колледждерінің үздік 100 студенті» республикалық конкурсының (бұдан әрі – Конкурс) мақсаттарын, күтілетін нәтижелерін, қатысушылар санатын, ұйымдастыру және өткізу тәртібін айқындайды.

1.2. Конкурс техникалық және кәсіптік, орта білімнен кейінгі білім беру (бұдан әрі – ТЖБ) ұйымдарының үздік 100 студенттерін тануға бағытталған.

1.3. Конкурс «Жалпы білім беретін пәндер бойынша республикалық және халықаралық олимпиадалар мен ғылыми жобалар конкурстарының (ғылыми жарыстардың), орындаушылар конкурстарының, кәсіби шеберлік конкурстарының және спорттық жарыстардың тізбесін бекіту туралы» Қазақстан Республикасы Білім және ғылым министрінің 2011 жылғы 7 желтоқсандағы № 514 Бұйрығы негізінде өткізіледі.

1.4. Конкурстың мазмұны мен тәртібі тауекел элементтерін қамтымайды, пайда немесе өзге де кіріс алу мақсатын көздемейді. Конкурс осы Ережеге сәйкес және тек ақпараттық сипатта өткізіледі.

2. КОНКУРСТЫҢ МАҚСАТЫ, МІНДЕТТЕРІ МЕН КҮТІЛЕТІН НӘТИЖЕЛЕРІ

2.1. Конкурс талантты жастарды қолдау, жұмысшы біліктіліктерін және білім, дағды мен дарын арасында жетістікке жеткен ТЖБ ұйымдарының үздік студенттерін қолдау мақсатында өткізіледі.

2.2. Конкурс міндеттері:

– ТЖБ ұйымдарының үздік студенттерін анықтау, марапаттау және көтермелеу;

– ТЖБ ұйымдары білім алушыларының кәсіби құзыреттілік деңгейін арттыруға және көшбасшылық қасиеттерін қалыптастыруға ынталандыру;

– жеке және кәсіби өсудің тиісті бағдарламаларын іске асыратын ұйымдарды тарта отырып, шеберлік сыныптар, тренингтер және курстар ұйымдастыру арқылы үздік студенттерді одан әрі дамыту үшін мүмкіндік жасау.

2.3. Күтілетін нәтижелер:

- әлеуетті жұмысқа орналастыру мақсатында кадр резерві ретінде жұмыс берушілерге ұсыныс беру үшін колледждердің үздік студенттерінің деректер қорын құру;
- «OUTSTANDING STUDENTS AWARDS» рәсімінде үздік 100 студентті ресми марапаттауды ұйымдастыру және өткізу;
- студенттердің одан әрі дамыту үшін шеберлік-сыныптар, тренингтер мен жеке және кәсіби өсу курстарынан өту;
- БАҚ, әлеуметтік желілер мен Интернет ресурстарда үздік студенттердің жетістіктері туралы материалдар жариялау.

3. КОНКУРСҚА ҚАТЫСУШЫЛАР

3.1. Конкурсқа Астана, Алматы, Шымкент қалаларының және облыстардың ТЖКБ ұйымдарында білім алатын студенттер қатысады:

- қоғамдық бірлестіктердің, студенттік өзін-өзі басқару және еріктілер қозғалысы ұйымдарының мүшелері;
- аймақтық, және халықаралық WorldSkills чемпионаттарының және басқа да кәсіби шеберлік конкурстарының қатысушылары мен жеңімпаздары;
- ғылыми конференциялардың қатысушылары мен олимпиадалардың, түрлі конкурстардың, спорттық жарыстардың жеңімпаздары;
- мемлекеттік жастар саясатын жүзеге асыру шеңберінде жұмыс істейтін бағдарламалар мен қызмет бағыттарына қатысушылар;
- шығармашылық ұйымдардың өкілдері;
- жобалар, инновациялық идеялар, стартап-жобалар авторлары.

3.2. Соңғы үш жылдағы Конкурстардың жеңімпаздарына жобаға қайта қатысуға тиым салынады.

4. КОНКУРСТЫҢ ҰЙЫМДЫҚ ҚҰРЫЛЫМЫ

4.1. Қазақстан Республикасы Оқу-ағарту министрлігі және өңірлердің жергілікті орындаушы органдары Конкурсты ұйымдастырушысы болып табылады.

4.2. Конкурсты ұйымдастыру, үйлестіру және өткізу бойынша жұмыстарды «Талар» КЕАҚ (бұдан әрі – Оператор) жүзеге асырады.

4.3. Астана, Алматы, Шымкент қалаларының және облыстардың білім басқармалары (бұдан әрі – Бірлесіп ұйымдастырушы) Конкурстың республикалық кезеңіне кандидатураларды іріктеуді көздейтін өңірлік деңгейдегі Конкурсты ұйымдастыруға және өткізуге жауапты болып табылады.

4.4. Оператор:

- Конкурс ережесін әзірлейді/ өзектендіреді;
- Конкурсты ұйымдастыру және өткізу жоспарын әзірлейді және бекітеді;
- Конкурстың республикалық кезеңін ұйымдастырады және өткізеді;

- Конкурстың өткізілуі туралы ақпаратты өзінің ресми интернет-ресурсында, әлеуметтік желілерде жариялайы;
- түрлі стейкхолдерлерді тарта отырып, Конкурс жеңімпаздарын марапаттау рәсімін ұйымдастырады және өткізеді.

5. КОНКУРСТЫ ӨТКІЗУ ТӘРТІБІ

5.1. Конкурстың өкізілуі 3 (үш) кезеңнен тұрады:

- 1) ішкі кезең;
- 2) өңірлік кезең;
- 3) республикалық кезең.

5.2. Ішкі кезең ТЖКБ ұйымдарында 15 (он бес) жұмыс күні ішінде өткізіледі. Конкурстың өңірлік кезеңіне қатысуға әрбір ТЖКБ ұйымынан үміткерлер саны бестен (5) аспайтын студенттер тізімі жіберіледі.

5.3. Бір ай ішінде Бірлесіп ұйымастырулар 10 (он) жеңімпаз студентті анықтау үшін конкурстың өңірлік кезеңін өткізеді және конкурстың өңірлік кезеңінің жеңімпаздарының тізімін top100@talap.edu.kz электрондық мекенжайға жібереді

5.4. Конкурстың республикалық кезеңін оператор «TOP 100 STUDENTS» интернет-ресурсында өткізеді;

5.5. Өңірлік кезеңнің жеңімпаздары Конкурстың республикалық кезеңіне қатысуға 10 жұмыс күні ішінде оператор платформасында өтінім береді. Өтінімдер онлайн-форматта қабылданады.

5.6. Үміткерлер конкурстың соңғы кезеңіне қатысу үшін өтінімге келесі файлдарды қоса тіркейді:

- 1) Ұлттық құндылықтарды насихаттайтын идеяларды ұсынатын конкурсқа қатысуға арналған уәждемелік хат (350 сөзден аспайды);
- 2) Болашақ маман ретінде өз аймағына пайда әкелетін және пікірлер мен шолулар жинайтын қатысушының әлеуметтік желісінде жүктелген бейнеролик (2 минуттан аспайтын бейнероликке сілтеме жасай отырып);
- 3) Білім алып жатқан мамандығы бойынша өңірді/республиканы дамытуға арналған өзінің жобасымен таныстыру (презентация 7 слайдтан артық болмауы тиіс);

5.7. Оператор Конкурсқа қатысушылардың өтінімдері мен материалдарын 15 жұмыс күні ішінде тексереді.

5.8. Конкурстың белгіленген талаптарына сәйкес келмейтін материалдарды Оператор қабылдамайды. Конкурсқа қатысушылар жолдаған материалдарының мазмұны мен ресімделуіне жауапты.

5.9. 100 жеңімпаз студентті анықтау үшін Оператор конкурстың республикалық кезеңінің комиссиясын құрады. Комиссия құрамына конкурсанттардың даярлық бейіні бойынша тиісті мамандар кіреді. Әрбір конкурстық құжаттаманы комиссияның 3 (үш) мүшесі бағалайды. Жеңімпаздар комиссия мүшелерінің бағалау балдарының орташа есептік мәні бойынша анықталады.

5.10. Конкурс жеңімпаздары туралы аппарат Оператордың ресми интернет-ресурсында орналастырылады.

5.11. Конкурс жеңімпаздарын марапаттау «OUTSTANDING STUDENTS AWARDS» рәсiмiнде ресми түрде ұйымдастырылады және өткiзiледi, оның аясында студенттерге мастер-класстар, тренингтер мен жеке және кәсiби өсу курстарынан өтуi қамтамасыз етiледi.

5.12. Оператор және Бiрге ұйымдастырушылар Конкурс барысын кеңiнен жариялауды қамтамасыз етедi, Конкурсқа қатысушылар мен жеңiмпаздар туралы ақпаратты БАҚ-та, әлеуметтiк желiлерде және Интернет-ресурстарда жариялайды.